


Head Office:
Plot 67 – 75
Clement Hill Road
KAMPALA
E-mail: exdir@unma.go.ug



Tel: +256 414 251798
Fax: +256 414 251797
P.O. Box 7025
KAMPALA
Website: www.unma.go.ug

UGANDA NATIONAL METEOROLOGICAL AUTHORITY

LUSOGA

ENTEBEREZA Y'EKISEERA EK'YAMAADHI OKUTOONHA OKUVA OMWEZI OGW'OKUSAATU OKUTUUKA OGW'OKUTAANU OMWAKA 2016 MUBITUNDU EBY'OBUVANDHUBA BWENHANDHA NALUBALE N'OBUKIIKA BWEBUVANDHUUBA BWA UGANDA.

Oluuyi luno, lulimu district eye; Idhindha, Mayuge, Kamuli, Iganga, Bugiri, Luuka, Namutumba, Buyende, Kaliro, Busia ni Tororo. Ebitundu bino, bibaire bitonhamuku kumaadhi okuva omwezi ogw'oluberyeberye.

Amaadhi ogomutoigo guno, gasubirwa okutandiika ghagati ghomwezi ogw'okusaatu era gasubirwa okughelera irala muntandiika y'omwezi gwokuuna. Aye, akasaana gaidha kwakamuku ekiseera kitono!

Amaadhi gaidha kugherera irala ghagati ghomwezi gw'okuna nga kisubirwa nti gaidha kulekerangamuku okutuuka kumpi muntandiika ni ghagati ghomwezi ogw'omukaaga.

Okutwaliza aghalala, kiboneka oti oluyi olw'obuvandhuba luno, lwidha kufuna amaadhi kumpi agaghera n'okusingagho.

Mperano bino nebyogugenderera mubyokulima nokwerinda endhala:

- Abalimi mutandiike okugula ensigo musobole okusimba engeri amaadhi yegali oti gatandiise okutoonha.
- Mubone nga mulegeka amaadhi musobole okuba namaadhi okukozesa eka, agokufukirira enimiro; musobole okukuza ebirime bukalamu era mubone nti mukuuma amaadhi mubidiba nga gabisolo kunhwa.
- Musimbire ebisolo eisubi nemiti era mulongose neisubi elirigho.
- Mukemdeeze okulimira n'okukolera emirimo egyindi mubitundu eby'obuserengeto okusobola okuziyiza eitaaka obutakulukuta.

Okutwaliza aghalala, abalimi mukubirizibwa okukozesa ekiseera nga amaadhi gatoonha musobole okulima ebirime mubungi ate bwemukozesa eniima enkalamu.

Amaadi bwegatoonha olwisi mubaamu olukuuba; kale abakulembeze abendhaghulo musabibwa okukubiriza abantu okuta obuuma obugema olukuuba kubizimbe by'amasomero ni mumaka. Abasomesa, mubone abaana bamasomero nga tibazanhira kuluya nga amaadhi gafughilira oba okweigama mumiti kuba olukuba luteru okwidhira mumaadhi nga gafughilira. Abantu mweghale okuna okumpi nebintu byekyuma nga amaadhi gafughilira kuba ebyuma bisiika amaani ogolukuba laadu y'abwatuuka.

Mughulirisenga Radio musobole okunha ebigema kumuzira n'okubwatuuka mubitundu byaimwe.

Ebigema kubyobulamu:-

- Mukuume obuyondho mumaka gaimwe ni mumasomero.
- Mwekuume endwaire era mubone nti muteegeza abebyobulamu bwemuboona nga endwaire dhibazinzeeku gezaanga; omusudha, ekidukano, enkaka nendwaire nga Asthma.

Mubufunze, amaadhi agasubirwa okutoonha getaaga kwerinda nga bukaali nga mugira kububaka buno. Era obubaka buno, bwidha kubayamba okutegeka bukalamu mumirimo gyaimwe egyetaaga amaadhi musobole okutumbula eby'enfuna nembeera dhaimwe mubitundu byobyona mubyaalo.

Obubaka buno, buva mukitongole ekitebereza obweire obwensi ekya Uganda National Meteorological Authority, era ekitongole kino kidha kwongera okwekenhya obwiire bwensi bwebunabanga okusobola okubakobera ekyokukola.